
Fesoasoani i Lau Fanau ia Manuia i le Aoga

Taiala mo Matua



“Soo se mataupu autu o le atamai tatou te maua i le olaga lenei, o le a tu mai faatasi ma i tatou i le toetutu.

“Ma afai e maua e se tagata le poto ma le tomai sili atu i le olaga lenei i lo se isi tagata e ala i lona filiga ma le usiusitai, o le a maua e ia le avanoa tele atu i le lalolagi a sau.”

Mataupu Faavae ma Feagaiga 130:18–19

Lolomiina e
Le Ekalesia a Iesu Keriso o le Au Paia o Aso e Gata Ai
Aai o Sate Leki, Iuta

© 2021 Puletaofia e le Intellectual Reserve, Inc.
All rights reserved.
Lomiga: 2/21
Faaliliuga o le *Help Your Children Succeed in School: Parent Guide*
Samoan
PD60012305 890
Lolomi i le Iunaite Setete o Amerika

Anotusi

Faafeiloai atu _____	2
O Autu	
1: E Taua le Aoga _____	3
2: Fesoasoani i Lau Fanau ia Aoao _____	7
3: O i Tatou o Fanau a le Atua _____	11
4: Fai ni Sini e Fesoasoani i Lau Fanau ia Manuia _____	15
5: Aoao Faatasi i le Aiga _____	19
6: Faaaoga Tatau Le Taimi _____	23
7: Fesoasoani i Tamaiti e Faataitai le Faitau, Tusitusi, ma le Matematika _____	27
8: Fesoasoani i Tamaiti i Meaaoga i le Fale _____	31
9: Ia Avea o se Vaega o Aoaoga a Lau Fanau _____	35
O Auala e Fesoasoani i Lau Fanau ia Manuia i le Aoga ma Lagona le Alofagia _____	39



Faafeiloai atu

O le a fesoasoani lenei taiala a matua ia te oe e aoao ai pe faapefea ona fesoasoani i lau fanau e aoao i le aoga ma i le aiga.

E aoao tamaiti mai matua ma faiaoga. Latou te aoao foi e ala i galuega, taaalo, ma fesili latou te tuuina atu. E taua tele aiga ma e fesoasoani i tamaiti e aoao. Pe a lagolagoina e aiga tamaiti i le aoaoina, e lagona e tamaiti le fiafia ma le lelei e uiga ia i latou lava. Latou te mananao foi e aoao atili.

Talanoa ma lou aiga e uiga i mea ua e aoaoina a o e faitauina lenei taiala. Tatalo mo se fesoasoani mai le Tama Faalelagi. E tusa lava pe le tele sou aoaoina, e mafai lava ona e fesoasoani i lau fanau e aoao. O le a fesoasoani le Alii ia te oe ma lau fanau e aoao faatasi a o outou galulue, taaalo, talanoa le tasi i le isi, ma faitau.

Auala e Faaoga ai le Taiala Lenei

E mafai e matua ona suesue faatasi lenei taiala, ma a latou fanau, po o isi matua. E mafai e taitai o le Ekalesia ona valaaulia matua e feiloai ma talanoaina autu i lenei taiala. E mafai foi e uso ma tuafafine o auaunaga ona talanoa e uiga i autu i lenei taiala faatasi ma aiga o loo latou auauna atu i ai.

Auala e Suesue ai Autu Taitasi

Mulimuli i laasaga nei a o e suesue i autu taitasi i lenei taiala:

1. Valaaulia isi tou te suesue faatasi le autu, pe suesue na o oe le autu.
2. Mafaufau ma talanoa e uiga i fesili.
3. Faitau ma fai le gaioioiga.
4. Mafaufau ma tatalo e uiga i mea ua e aoaoina.
5. Talanoa ma lou aiga e uiga i mea ua e aoaoina.



1

E Taua le Aoga

Fesili e Talanoa i ai

1. Vaavaai i ata nei. O a mea ua e vaايا?
2. O faapefea ona aoao faatasi aiga?
3. Aisea e taua ai le aoga?



Aoao

O le aoga o se vaega o le fuafuaga a le Atua. Ua ta'u mai e tusitusiga paia, "la outou saili mai totonu o tusi sili ona lelei upu o le poto; saili i le aoaoina, e ala lava lea i le suesue ma le faatuatua foi" (Mataupu Faavae ma Feagaiga 88:118). A o tatou aoao ma tuputupu ae, o le a tatou aoao atili e uiga i le fuafuaga a le Atua mo i tatou.

O Iesu Keriso o se faataitaiga o se tagata aoao maoae. Ua aoao mai i tatou e tusitusiga paia e faapea o Iesu "ua tupu le poto" (Luka 2:52). O le a faamanuia oe e le Tama Faalelagi ma fesoasoani ia te oe e aoao. O le a la faamanuiaina lau fanau a o latou aoao ma mulimuli i le faataitaiga a Iesu.



Na aoao mai Peresitene Gordon B. Hinckley e faapea "o le a'otauina o le ki lea o le a tatala ai le faitotoa o avanoa" ("la Teuteuina Ou Manatu i le Mama e le Aunoa," *Liahona*, Me 2007, 116). O lona uiga o le a'otauina e mafai ona fesoasoani ia te oe ma lau fanau e aoao ni tomai fou. E mafai ona fesoasoani ia te oe e aoao atu ai isi ma tausia lou aiga.

Mafaufau ma Tatalo

Mafaufau ma tatalo e uiga i mea ua e aoaoina. Tusi i lalo soo se manatu o ia te oe po o manatu e sau mai le Agaga Paia. O le a sou manatu i le mea e finagalo le Alii e te faia?

Gaoioiga

Vaai i ata o loo i lalo. Mafaufau ma talanoa e uiga i mea o loo faia e tagata i ata taitasi. O le a sou manatu e faapefea ona fesoasoani le aoaoina ma le a'otauina i tagata i nei ata?



Talanoa ma Lou Aiga

Talanoa ma lou aiga e uiga i mea ua e aoaoina. Talanoaina fesili nei. Fai i tagata o lou aiga e faasoa mai o latou manatu ma faalogo i le tasi ma le isi.

- E mafai faapefea e le mulimuli i le faataitaiga a Iesu ona fesoasoani ia te oe i le aoga?
- E mafai faapefea e le a'otauina ona fesoasoani ia te oe i lou olaga?
- O le a se mea e mafai ona tatou faia o se aiga e fesoasoani ai i le tasi ma le isi e aoao ma tuputupu ae ai?



2

Fesoasoani i Lau Fanau ia Aoao

Fesili e Talanoa i ai

1. Vaavaai i ata nei. O a mea ua e vaaia?
2. O faapefea ona aoao e tina a latou fanau i nei ata?
3. O le a se mea se tasi e te faia e aoao ai lau fanau?



Aoao

E tele auala e tausia ai e matua a latou fanau. E te faamanuiaina lau fanau i aso uma e ala i le fesoasoani ia i latou e aoao. A aoao tamaiti, latou te maua lagona lelei e uiga ia i latou lava ma mananao e aoao atili.

O isi tagata e mafai ona fesoasoani i lau fanau e aoao, ae o matua o ni faiaoga muamua ma sili ona lelei o tamaiti. E mafai ona e fesoasoani i lau fanau ia iloa e avea atili i latou e faapei o lo tatou Tama Faalelagi ma Lona Alo, o Iesu Keriso, a o latou aoao.

E vaai lau fanau i mea e te faia. A latou vaai e te faaavanoaina se taimi e aoao ai, o le a latou iloa e taua le a'otauina. E tele auala e mafai ona e faaauau ai ona aoaoina.

- Suesue i tusitusiga paia.
- Faitau tusi.
- Talanoa ma tagata e uiga i talafou o siomia ai oe ma i le lalolagi.
- Ia maua nisi aoaoga e fai lelei atili ai lau galuega.
- Ia maua ni aoaoga aloaia sili atu.
- Aoao ni tomai fou.

**Mafaufau ma Tatalo**

Mafaufau i mea na e aoaoina. Tusi i lalo soo se manatu o ia te oe po o manatu e sau mai le Agaga Paia. O le a sou manatu i le mea e finagalo le Alii e te faia? E mafai faapefea ona e faia se faataitaiga mo lau fanau e ala i le faaauau pea ona aoao?

Gaoioiga

E mafai faapefea ona e fesoasoani i tagata taitoatasi o lou aiga e aoao? Fesili i tagata o lou aiga po o a mea latou te mananao e aoao ma pe mafai faapefea ona e fesoasoani ia i latou. Tusi i lalo a latou tali.

Tagata o le Aiga	O a Ni Mea e Manaomia ona Latou Aoaina?	E Mafai Faapefea Ona E Fesoasoani ia i Latou?
<i>Faataitaiga</i> Derek (atalii)	<i>-Pasi le suega ina ia mafai ai ona alu i le aoga maualuga -Aoao lelei atili le Igilisi</i>	<i>-Aoao aso o le suega -Iloilo meaaoga i le fale -Tautala FaaPeretania i lo matou fale</i>

Talanoa ma Lou Aiga

Talanoa ma lou aiga e uiga i mea ua e aoaoina. Talanoaina fesili nei. Fai i tagata o lou aiga e faasoa mai o latou manatu ma faalogo i le tasi ma le isi.

- E faapefea ona fesoasoani le aoaoina ia i tatou e ave'a atili ai pei o lo tatou Tama Faalelagi?
- E mafai faapefea ona tatou fesoasoani i tagata uma o le aiga ia aoao ma faauau i a latou aoaoga?



3

O i Tatou o Fanau a le Atua

Fesili e Talanoa i ai

1. Vaavaai i ata nei. O a mea ua e vaaia?
2. O le a se mea e mafai ona e faia e fesoasoani ai i lau fanau ia iloa o i latou o fanau a le Atua?
3. E mafai faapefea e le iloaina o i latou o fanau a le Atua ona fesoasoani i lau fanau ia manuia i le aoga?



Aoao

Aoao lau fanau o i tatou o fanau a le Atua. E mafai ona avea i tatou uma e faapei o la a o tatou aoao ma tuputupu ae. Fesoasoani i lau fanau ia malamalama e mafai ona latou manuia i le aoga aua o i latou o fanau a le Atua. O le a fesoasoani manatu o loo i lalo i lau fanau ia manuia i le aoga:

Taulai i le Aoga

Fesoasoani i lau fanau e o i le aoga ma ia taunuu i le taimi sa'o. E tatau ona latou taumafai e o i le aoga i aso uma ma saunia mo suega taua.

Fai le Mea Sili E te Mafaia

Aoao lau fanau e taumafai i le mea sili latou te mafaia ma aua le fiu pe a oo ina faigata mea.

Ia Usiusitai

Aoao lau fanau ia usitai i poloaiga, i o latou matua, ma tulafono a le aoga. O le a faamanuiaina i latou ona latou te usiusitai.

Fesili mo se Fesoasoani

Aoao lau fanau e fesili atu mo se fesoasoani ma aoao mai isi. Tatalo faatasi ma i latou pe a latou le malamalama pe faapefea ona fai se mea.

Talanoa Faatasi

Talanoa ma lau fanau, ma faailoa atu ia i latou e mafai ona latou o mai ia te oe mo se fesoasoani. Fesili atu ia i latou e uiga i mea e faigata mo i latou. Galulue faatasi e foia faafitauli.

Talitonu ia te Oe Lava Ia

Fesoasoani i lau fanau ia talitonu ia i latou lava ma mafaufau i ni mafaufauga lelei. A mafaufau tamaiti i mafaufauga lelei e uiga ia i latou lava, latou te lagona e mafai ona faamanuiaina i latou.

Mafaufau ma Tatalo

Mafaufau i mea na e aoaoina. Tusi i lalo soo se manatu o ia te oe po o manatu e sau mai le Agaga Paia. O le a sou manatu i le mea e finagalo le Alii e te faia? O le a se mea e mafai ona e faia e fesoasoani ai i lau fanau ia manuia i le aoga?


3

O i Tatou o Fanau a le Atua

Gaoioiga

O i tatou o fanau a le Atua, ma e alofa o la ia i tatou. E alofa o la ia te oe ma lou aiga. Mafaufau i le ala e silasila ai le Atua i tagata uma o lou aiga. I le avanoa o i lalo, tusi ai ni nai upu pe tusi ni ata e faaali mai ai se mea lelei se tasi pe lua e uiga i tagata taitasi o lou aiga. Faasoa atu nei mea i lou aiga.

Faaitaiga

Kofi: 

E agalelei Pisila.

E fiafia Fehi.

O Sione o se tagata galue malosi.

Tusi au ata ma tusi au upu i le avanoa o i lalo:

Talanoa ma Lou Aiga

Talanoa ma lou aiga e uiga i mea ua e aoaoina. Talanoaina fesili nei. Fai i tagata o lou aiga e faasoa mai o latou manatu ma faalogo i le tasi ma le isi.

- E faapefea ona fesoasoani ia i tatou i o tatou olaga le iloaina o le ala e silasila ai ma alofa le Atua i Ana fanau?
- E mafai faapefea e le iloaina o oe o se atalii/afafine o le Atua ona fesoasoani ia te oe ia manuia ai i le aoga?



4

Fai ni Sini e Fesoasoani i Lau Fanau ia Manuia

Fesili e Talanoa i ai

1. Vaavaai i ata nei. O a mea ua e vaaia?
2. Aisea e taua ai le i ai o sini?
3. O le a sou lagona pe a e faamae'aina se sini na e faia?



Aoao

Afai e te manao e foia se faafitauli pe faia se mea, e tatau ona e filifili pe faapefea ona e faia. Ua ta'ua lenei mea o le faia o se sini. O le fesoasoani i lau fanau e aoao e fai ni sini o le a fesoasoani ia i latou ia manuia.

E mafai e oe ma lau fanau ona faia se sini i ni laasaga faigofie se fa:

1. Iloa
2. Fuafua
3. Faatino
4. Tomanatu

Vaai i le faataitaiga o loo i lalo e iloa ai pe mafai faapefea e laasaga ona fesoasoani ia te oe ma lau fanau e fai ni sini.

1.Iloa:

O a ni mea e tatau ona e faaleleia pe suia?

O loo faigata i la'u tama teine le matematika. Sa ia fesili mai ia te a'u mo se fesoasoani, ae ou te le lelei i le matematika.

2.Fuafua:

O a laasaga e tatau ona e faia?

O le a ou talanoa i lona faiaoga ma isi matua e uiga i auala e fesoasoani ai i la'u tama teine i le matematika.

3.Faatinoga:

E te manaomia se isi fesoasoani?

Sa ou tatalo mo se fesoasoani. Sa ou lagona e tatau ona ou talanoa i se tagata o la'u uarota o se faiaoga. Sa ia fai mai o le a ia aoaoina la'u tama teine. Sa ma setiina se taimi mo i la'ua e feiloai ai i vaiaso taitasi.

4.Tomanatu:

O le a se mea na e aoaoina? E manaomia ona e faia se sini fou pe faaauau lenei sini?

E tatau ona ou siaki i aso uma faatasi ma la'u tama teine ia iloa ai pe o a mai o ia i ana meaaoga o le matematika ma iloilo ana faamatalaga tusitusia.

Mafaufau ma Tatalo

Mafaufau i mea na e aoaoina. Tusi i lalo soo se manatu o ia te oe po o manatu e sau mai le Agaga Paia. O le a sou manatu i le mea e finagalo le Alii e te faia? E mafai faapefea ona e faatuina se faataitaiga mo lau fanau e ala i le faia ma le faamae'aina o sini?

4

Fai ni Sini e Fesoasoani i Lau Fanau ia Manuia

Gaoioiga

Mafaufau i se mea e te manao e faaleleia pe suia. Faaaoga laasaga muamua e lua e fai ai se sini.

A uma ona e faia lau fuafuaga, toe foi mai i le gaoioiga lenei ma faamae'a laasaga e lua e sosoo ai:

1.Iloa:

O a ni mea e tatau ona e faaleleia pe suia?

2.Fuafua:

O le a faapefea ona e faaleleia pe faia le suiga?

O a laasaga e tatau ona e faia?

3.Faatinoga:

Na faapefea ona fesoasoani le faatuatua ia Iesu Keriso ia te oe e ausia ai lau sini? E te manaomia se isi fesoasoani?

4.Tomanatu:

O le a se mea na e aaoaina? E manaomia ona e faia se sini fou pe faaauau lenei sini?

Talanoa ma Lou Aiga

Talanoa ma lou aiga e uiga i mea ua e aoaoina. Fai i tagata o lou aiga e faasoā mai o latou manatu ma faalogo i le tasi ma le isi.

- Fesoasoani i lau fanau e fai ni sini. Tatalo faatasi ia iloa le mea e tatau ona latou faia.
- Tusi i lalo sini a tamaiti taitasi. Talanoa e uiga i le auala o le a e fesoasoani ai i tamaiti taitoatasi ia ausia lana sini.



5

Aoao Faatasi i le Aiga

Fesili e Talanoa i ai

1. Vaavaai i ata nei. O a mea ua e vaaia?
2. E faapefea ona aoao tamaiti e ala i le galulue ma taaalo faatasi?
3. O le a se mea e te faia i lau fanau e faaopoopo i le aoga e fesoasoani ia i latou e aoao ai?



Aoa

E mafai e aiga ona faia ni nofoaga mo aiga lea e mafai ai e le Agaga Paia ona fesoasoani ia i latou e aoao. E mafai ona latou talanoa e uiga ia lesu Keriso ma taumafai ia avea atili e faapei o ia. E mafai ona e faia le tele o mea e valaaulia ai le Agaga Paia i totonu o lou aiga ma faatumauiina le malosi o lou aiga. E mafai ona e tatalo ma faitau tusitusiga paia o se aiga i aso uma, ola i le talalelei, ma auauna atu i isi.

A i ai le Agaga Paia i lou aiga, o le a taulimaina e lou aiga le tasi ma le isi i le agalelei ma le alofa. Pe a lagona e lau fanau le alofagia, o le a latou lagonaina le lagolago latou te manaomia ina ia faamanuiaina.

O le a fesoasoani nei mea i lou aiga e avea o se nofoaga o le alofa ma le aoaoina:

- Ia onosai.
- Taumafai e 'aia le ita.
- Faaalu faatasi le taimi ma le aiga.
- Ia fai mea fiafia.
- Faalogo ma le toto'a.
- Vivii lau fanau a o latou taumafai e aoao.
- Faaaoga upu alofa.

**Mafaufau ma Tatalo**

Mafaufau i mea na e aoaoina. Tusi i lalo soo se manatu o ia te oe po o manatu e sau mai le Agaga Paia. O le a sou manatu i le mea e finagalo le Alii e te faia? O a ni mea e mafai ona e faia ia maua ai pe faaali atili atu ai le alofa i lou aiga?

Gaoioiga

Mafaufau i mea o le a fesoasoani i lou aiga ia faatumulia i le alofa. Tusi ni manatu se lua pe tolu o mea tatou te vaai i ai, faalogo, ma lagonaina pe afai e faatumulia o tatou aiga i le alofa.

 O le a se mea e te vaai i ai pe a e tilotilo faataamilo i lou aiga?	 O le a se mea e te faalogo o fai atu e tagata o le aiga i le tasi ma le isi?	 O a ni lagona o tagata o le aiga i taimi latou te i ai i le fale?
<ul style="list-style-type: none"> Faataitaiga: Tagata o loo fesoasoani le tasi i le isi. 	<ul style="list-style-type: none"> Faataitaiga: Upu alofa. 	<ul style="list-style-type: none"> Faataitaiga: Latou te lagona le alofagia.

Fesoasoani i lau fanau pe a faigata mea mo i latou. O se faataitaiga leni o le auala e mafai ona e faaalua ai le alofa pe afai sa feagai lou afafine ma se taimi faigata:

Sa fai e lau tama teine lana suega tele. Sa galue malosi o ia. Ae sa le lelei ona togi ma ua faanoanoa ai. O lea la o le a tatau ona ia toe faia le suega i le ono masina. E tatau foi ona e toe totogia le tau o le suega.

O se mea faigata leni. E lagona uma e oe ma lou afafine le faanoanoa. O nisi nei o mea e mafai ona e fai atu ia te ia e faaalua ai le alofa ia te ia:

- Ou te alofa ia te oe. Ou te iloa sa e matua galue malosi O loo ou i ai iinei mo oe.
- Ua ou faanoanoa e te le'i maua se togi maualuga i le suega. Ou te iloa o loo e faanoanoa foi. O le a se mea e tatau ona ou fesoasoani ai ia te oe?

Talanoa ma Lou Aiga

Talanoa ma lou aiga e uiga i mea ua e aoaoina. Talanoaina fesili nei. Fai atu i tagata o le aiga e faasoa mai o latou manatu ma faalogo i le tasi ma le isi.

- O le a se mea e mafai ona tatou faia o se aiga ina ia maua atili ai le Agaga Paia i totonu o lo tatou aiga?
- E mafai faapefea ona tatou faaalua le alofa sili atu ma le faaloalo i le tasi ma le isi?
- E mafai faapefea e le alofa i lo tatou aiga ona fesoasoani ia i tatou uma e aoao?



6

Faaoga Tatau Le Taimi

Fesili e Talanoa i ai

1. Vaavaai i ata nei. O a mea ua e vaaia?
2. O a mea i lou olaga e sili ona taua?
3. E mafai faapefea ona e faaogaina le tele o le taimi e faia ai mea e taua ia te oe ma lou aiga?



Aoao

O le taimi o se meaalofo mai le Tama Faalelagi. E tatau ona tatou mafaufau totoa i le auala tatou te faaoga ai o tatou taimi. E tele auala e faaoga ai le taimi i aso taitasi. Tatou te galulue, taaalo, fai meaai, tatalo, fai feau, suesue, ma faia isi mea e tele. E tatau ona tatou filifilia auala e sili ona lelei e faaoga ai o tatou taimi.

Fai se fuafuaga e fesoasoani ia te oe e faaoga lelei ai lou taimi. Mafaufau i mea e tatau ona e faia i aso taitasi. O a mea e sili ona taua? O a mea e le taua tele? Fuafua e fai muamua mea e sili ona taua. Faaaoga le itiiti o le taimi i mea e le taua ma e le fesoasoani ia te oe ma lou aiga ia ausia a outou sini.

E mafai e oe ma lou aiga ona talanoa soo faatasi e uiga i le mea e taua. E mafai ona e faia se fuafuaga e fesoasoani ai i le tasi ma le isi ia faaoga tatau lou taimi.

Mafaufau ma Tatalo

Mafaufau i mea na e aoaoina. Tusi i lalo soo se manatu o ia te oe po o manatu e sau mai le Agaga Paia. O le a le mea e sili ona taua i lou olaga? O le a se auala se tasi e mafai ona e faaogaina atili ai le taimi e fai ai mea e sili ona taua i lou olaga?



6

Faaaoga Tatau Le Taimi

Gaoioiga

E tele auala e mafai ona faaoga ai lo tatou taimi. O nisi nei o mea atonu e te faia i aso taitasi:

Faitau tusitusiga paia.	Tatalo	Fesoasoani i lau fanau e aoao
Matamata i le TV	Alu i luga o lau telefoni	Fai ni meaai
Alu i le maketi	Tapena le fale	Galue
Faataunuuina lou valaauga i le Ekalesia	Taalo	Suesue

E te faia foi isi mea i aso taitasi. Mafaufau i mea uma e te faia.

O a ni mea se lua pe tolu e te manao e faaoga **atili ai le taimi** ?

O a ni mea se lua pe tolu e te manao e **itiiti le taimi e alu ai** ?

Talanoa ma Lou Aiga

Talanoa ma lou aiga e uiga i mea ua e aoaoina. Talanoaina fesili nei. Fai i tagata o lou aiga e faasoa mai o latou manatu ma faalogo i le tasi ma le isi.

- O a mea e sili ona taua i lo tatou aiga?
- O le a se mea e mafai ona tatou faia o se aiga e faaoga lelei ai o tatou taimi e fai ai mea e taua ia i tatou?
- E mafai faapefea ona tatou fesoasoani le tasi i le isi e faaoga tatau lo tatou taimi?



7

Fesoasoani i Tamaiti e Faataitai le Faitau, Tusitusi, ma le Matematika

Fesili e Talanoa i ai

1. Vaavaai i ata nei. O a mea ua e vaaia?
2. O le a sou manatu i lagona o tamaiti e uiga i le aoaoina?
3. E faapefea ona e fesoasoani i lau fanau e aoao i aso uma?



Aoao

E tele mea e aoaoina e tamaiti i le aoga. E mafai ona latou faataitai i le fale e fesoasoani ia i latou ia manatua mea sa latou aoaoina. O nisi nei o auala e fesoasoani ai i lau fanau e faataitai le faitau, tusitusi, ma le matematika i aso uma:

Faitau

O le faitau o se auala taua tele lea e aoao ai tamaiti. E mafai e matua ona fesoasoani ia latou fanau ia malamalama pe faapefea e le faitau ona fesoasoani ia i latou i le aoga ma i o latou olaga. E mafai e tamaiti ona aoao ia sili atu le faitau e ala i le faitau leotele ia i latou lava pe leotele i isi i aso uma. E mafai ona e fai atu i lau fanau e faitau atu ia te oe a o e faia ni meaai po o se galuega i lou fale. E mafai foi ona e fai atu ia i latou e faitau upu po o fuaiupu i tusitusiga paia. E mafai e tamaiti matutua atu ona faitau i o latou uso ma tuafafine laiti.



Tusitusi

O le tusitusi e mafai ona fesoasoani i tamaiti e mafaufau ma aoao ai. A o latou tusitusi, e mafai e tamaiti ona faasoa mai o latou manatu ma faaoga upu fou. E mafai ona e fai atu i lau fanau e tusitusi ni nai mea i aso uma. O nisi tamaiti e fiasia e tusi ni tala. O isi e fiasia e tusitusi e uiga i mea e tutupu ia i latou. Fai atu i lau fanau e faitau mea latou te tusia ia te oe.



Matematika

E taua tele le aoaoina o tomaiti o le matematika. O nei tomaiti e faaoga i le fausiaina, kuka, ma isi vaega o le olaga i aso uma. E toatele tamaiti e manatu e faigata le matematika Ae e le tatau ona faapena. E mafai ona e fesoasoani i lau fanau e aoao le matematika i aso uma. Fai atu i lau fanau e faitau se tupe pe totogi ni mea i le maketi. Fai atu ia i latou e faitau mea i le fale po o le taimi e te kukaina ai meaai. O le a fesoasoani lenei mea ia i latou e mafaufau ai i fuainumera ma le auala latou te faaogaina ai matematika i aso uma.






Mafaufau ma Tatalo

Mafaufau i mea na e aoaoina. Tusi i lalo soo se manatu o ia te oe po o manatu e sau mai le Agaga. O faapefea ona e fesoasoani i lau fanau e faataitai le faitau, tusitusi, ma le matematika i aso uma?

Gaoioiga

Vaai i lisi o loo i lalo. Tusi se maka faasa'o (☒) i le pusa i autafa o mea e te manao e fai faatasi ma lau fanau.

 Faitau i le Aiga Ma lau fanau:	 Tusitusi i le Aiga Fai atu i lau fanau e:	 Matematika i le Aiga Ma lau fanau:
<ul style="list-style-type: none"> <input type="checkbox"/> Faitau leotele se tusi. <input type="checkbox"/> Faitau igoa o mea. <input type="checkbox"/> Feauauai i le faitauina o tusitusiga paia. <input type="checkbox"/> Faitau faailoga i luga o auala. <input type="checkbox"/> Ta'u igoa o mataitusi latou te vaai i ai. 	<ul style="list-style-type: none"> <input type="checkbox"/> Tusi ni ata ma ta'u atu ia te oe e uiga i ai. <input type="checkbox"/> Tusi ni tusi. <input type="checkbox"/> Tusi ni tala. <input type="checkbox"/> Tusi igoa o tagata o le aiga. <input type="checkbox"/> Tusitusi i se api talaaga. 	<ul style="list-style-type: none"> <input type="checkbox"/> Faitau mea i le maketi. <input type="checkbox"/> Fua aitema o meaai a o faia ni kuka. <input type="checkbox"/> Faaopoopo ma toese fuainumera. <input type="checkbox"/> Faataitai faatasi se faafitauli o le matematika. <input type="checkbox"/> Faitau le taimi i luga o se uati.

Talanoa ma Lou Aiga

Talanoa ma lou aiga e uiga i mea ua e aoaoina. Talanoaina fesili nei. Fai i tagata o lou aiga e faasoa mai o latou manatu ma faalogo i le tasi ma le isi.

- O a ni mea o loo e aoaoina i le aoga?
- E mafai faapefea ona tatou fesoasoani i le tasi ma le isi e faitau ma tusitusi i aso uma?
- E mafai faapefea ona tatou fesoasoani i le tasi ma le isi e faia matematika i aso uma?



8

Fesoasoani i Tamaiti i Meaoga i le Fale

Fesili e Talanoa i ai

1. Vaavaai i ata nei. O a mea ua e vaaia?
2. E faapefea ona e fesoasoani i lau fanau i a latou meaoga i le fale?
3. O ai e mafai ona fesoasoani pe afai e faigata tele meaoga a lau fanau mo oe e fesoasoani i ai?



Aoao

O nisi taimi o mea e aoao e lau fanau i le aoga e faigata tele mo oe ona malamalama ma fesoasoani i ai. E le afaina pe afai e te le iloa mea uma. O loo tele pea mea e mafai ona e faia e fesoasoani ai i lau fanau i le aoga.

Meaoga

Aoao lau fanau e galulue i a latou meaoga i aso uma. Afai e i ai ni meaoga a lau fanau e manaomia ona latou faamae'aina i le fale, fesoasoani ia i latou e galulue ai. E mafai ona e fesoasoani i lau fanau e fai se fuafuaga e faauma a latou meaoga i le taimi e tatau ai. E mafai ona fesoasoani pe afai e maua e tamaiti se taimi filemu ma se nofoaga e suesue ai i le fale. E mafai ona e fesoasoani i lau fanau e fesili atu i se faiaoga, uo, po o se isi tagata matua mo se fesoasoani pe afai e faigata tele a latou meaoga.



O Suega

Fesili i lau fanau pe ua latou malamalama i mea ua latou aoaoina. Fesili atu ia i latou po o a mea e manaomia ona latou iloa mo suega. Afai latou te manaomia se fesoasoani, e mafai ona e talanoa i o latou faiaoga pe fai atu ia i latou e fesili atu i o latou faiaoga mo se fesoasoani.

E mafai ona e fesoasoani i lau fanau e suesue mo suega e ala i le tuu atu ia i latou e tali fesili o suega ua tuanai. E mafai foi ona outou tatalo faatasi mo se fesoasoani. Taumafai e avatu i lau fanau meaai ma vai ae latou te

le'i faia ni suega ina ia mafai ona latou mafaufau lelei ma ia le fia aai. Ta'u atu i lau fanau e te talitonu ia i latou ma e te alofa ia i latou e tusa lava pe le lelei a latou suega.





Mafaufau ma Tatalo

Mafaufau i mea na e aoaoina. Tusi i lalo soo se manatu o ia te oe po o manatu e sau mai le Agaga Paia. E mafai faapefea ona e fesoasoani i lau fanau e fai a latou meaoga ma suesue mo suega?

Gaioiga

Vaai i lisi o loo i lalo. Tusi se maka faasa'o (☒) i le pusa i autafa o mea e te manao e fai faatasi ma lau fanau.

 Meaoga i le Fale	 Sauniuniga mo le Suega
<ul style="list-style-type: none"> <input type="checkbox"/> Fesili i lau fanau po o a mea ua latou aoaoina. <input type="checkbox"/> Fesoasoani i meaoga a lau fanau. <input type="checkbox"/> Taumafai e sue se taimi ma se nofoaga mo lau fanau e suesue ai. <input type="checkbox"/> Fesili i lau fanau pe o afea e tatau ona tuuina atu ai a latou meaoga i o latou faiaoga. <input type="checkbox"/> Afai latou te manaomia se fesoasoani, tuu atu i lau fanau e fesili i se uo po o se faiaoga mo se fesoasoani. <input type="checkbox"/> Tatalo ina ia iloa pe faapefea ona fesoasoani i lau fanau. 	<ul style="list-style-type: none"> <input type="checkbox"/> Fesili i lau fanau pe ua latou malamalama i mea ua latou aoaoina. <input type="checkbox"/> Fesili i lau fanau po o a mea e manaomia ona latou iloa mo a latou suega. <input type="checkbox"/> Fai atu i lau fanau e suesue i fesili o suega ua tuanai. <input type="checkbox"/> Tuu atu i lau fanau ni meaai ma vai ae latou te le'i faia se suega. <input type="checkbox"/> Ta'u atu i lau fanau e te alofa ia i latou e tusa lava pe le lelei a latou suega.

Talanoa ma Lou Aiga

Talanoa ma lou aiga e uiga i mea ua e aoaoina. Talanoaina fesili nei. Fai i tagata o lou aiga e faasoa mai o latou manatu ma faalogo i le tasi ma le isi.

- E mafai faapefea ona tatou fesoasoani i tagata o le aiga i a latou meaoga?
- O le a se mea e mafai ona tatou faia e fesoasoani ai i tagata o le aiga e suesue mo a latou suega?
- O fea e mafai ona suesue ai tagata o le aiga i le fale?



9

Ia Avea o se Vaega o Aoaoga a Lau Fanau

Fesili e Talanoa i ai

1. Vaavaai i ata nei. O a mea ua e vaaia?
2. E mafai faapefea ona aveia oe ma se vaega o aoaoga a lau fanau?
3. E mafai faapefea e lau fanau ona fesili atu i o latou faiaoga mo se fesoasoani pe afai latou te le malamalama?



Aoao

E mafai ona e talanoa i lau fanau, galulue faatasi ma i latou, taaalo ma i latou, faitau faatasi ma i latou, ma faalogo ia i latou. O le a fesoasoani lenei mea i lau fanau e lagona ai le alofagia. E mafai foi ona e fesili atu ia i latou po o a mea o latou aoaoina i le aoga. Fesili atu ia i latou po o le a le mea e faigofie mo i latou. Fesili atu ia i latou po o le a le mea e faigata. Fesili atu ia i latou po o a ni o latou lagona e uiga i o latou faiaoga. Afai e te manatu e mafai ona fesoasoani i lau fanau, fesili i o latou faiaoga pe mafai ona e talanoa ma i latou.

E masani ona fiafia i ai faiaoga pe a talanoa atu matua ia i latou ma fesili atu ia i latou pe mafai faapefea ona latou fesoasoani ia latou fanau ia manuia le aoga.

Ae e te le'i feiloai ma faiaoga a lau fanau, tusi i lalo fesili e te manao e fai atu ia i latou. O nisi nei o mea e mafai ona e faia.

1. Faafetai i faiaoga mo le aoaoina o lau fanau.
2. Fesili atu i faiaoga pe o a mai lau fanau i a latou vasega.
3. Fesili atu i faiaoga pe mafai faapefea ona e fesoasoani i lau fanau ia sili atu ona lelei i le aoga.
4. Fesili atu i faiaoga pe o i ai ni aso taua e tataua ona e iloa.

Afai e le mafai ona outou feiloai ma faiaoga, atonu e mafai ona e fesootai ma i latou i se tasi pe sili atu foi o auala nei:

- Auina atu se feau tusitusia.
- Auina atu se imeli.
- Fai se talanoaga i le telefoni.
- Tusi se tusi.

E toatele tagata e fesoasoani i lau fanau e aoao i aso uma. Mafaufau i isi tagata e mafai ona e talanoa i ai e uiga i le aoaoina o lau fanau.



Mafaufau ma Tatalo

Mafaufau i mea na e aoaoina. Tusi i lalo soo se manatu o ia te oe po o manatu e sau mai le Agaga Paia. E mafai faapefea e le talanoa ma isi tagata e uiga i le aoaoina o lau fanau ona fesoasoani i lau fanau i le aoga?

Gaoioiga

Tusi i lalo ni mea se tolu e te manao e fesili atu ai pe talanoa i ai i faiaoga o lau fanau po o isi tagata o e fesoasoani i lau fanau e aoao.

Talanoa ma Lou Aiga

Talanoa ma lou aiga e uiga i mea ua e aoaoina. Talanoaina fesili nei. Fai atu i tagata o le aiga e faasoa mai o latou manatu ma faalogo i le tasi ma le isi.

- O ai tagata i o tatou olaga e fesoasoani ia i tatou e aoao?
- E mafai faapefea e isi ona fesoasoani i tagata taitoatasi o le aiga i le aoga?



O Auala e Fesoasoani i Lau Fanau ia Manuia i le Aoga ma Lagona le Alofagia

- Aoao atu ma faaali atu i lau fanau o le aoaoina e fesoasoani ia i latou ia avea atili ai e faapei o Iesu Keriso.
- Fesoasoani i lau fanau ia iloa o i latou o fanau a le Atua e mafai ona aoao ma tuputupu ae.



- Talanoa i lau fanau i le alofa ma le agalelei, ma fesoasoani ia i latou ia taumafai pea.
- Ta'u atu i lau fanau e te talitonu ia i latou ma alofa pea ia i latou.

- Faatutu ni sini ma lau fanau e fesoasoani ia i latou e faaoga ma le poto o latou taimi.
- Fesoasoani i lau fanau e faataitai le faitau, tusitusi, ma le matematika i aso uma.



- Fesoasoani i lau fanau e susesue mo le aoga ma suega.
- Talanoa ma faiaoga a lau fanau ma isi o e fesoasoani ia i latou e aoao.


9

Ia Avea o se Vaega o Aoaoga a Lau Fanau

Tusi ni mea e aupito taua sa e aoaoina mai lenei taiala.



“O le valaauga e avea ma se matua e aofia ai le meaalofo o le aoao atu i auala e sa’o mo oe ma lau fanau” (Robert D. Hales, “Sau, Mulimuli Mai ia te A’u’ e ala i le Faatinoina o le Alofa ma le Auaunaga FaaKerisiano,” *Liahona*, Nov. 2016, 23).



O LE EKALĒSĪA A
IESU KERISO
O LE AU PAĪA O ASO
E GATA AI

SAMCAN



4 02179 68890 2

17968 890